



## **21. Tschanteda da la suprastanza cumünela in marculli, ils 21.11.2018 a las 19.30 in chesa cumünela S-chanf**

**Presidi:** Gian Fadri Largiadèr

**Preschaints:** Paolo Bernasconi, Liun Quadri, Roman Parli, Mario Mammoliti

**Suppleant:** Linard Luzi

**Absaints:**

**Actuar:** Gian Luca Vitalini

---

### **Tractandas:**

- |    |       |                                                               |
|----|-------|---------------------------------------------------------------|
| 1. |       | Protocol                                                      |
| 2. | 0.211 | Dumandas da fabrica                                           |
| 3. | 7.100 | Taxas d'attach Susauna                                        |
| 4. | 3.000 | Dumandas da contribuziun                                      |
| 5. | 8.100 | Surdeda da lavuors auto forestel                              |
| 6. | 0.121 | Pusiziun studia da l'Axpò regard forza da dispersiun da terra |
| 7. | 8.160 | Montascha maschina per laina arduonda                         |
| 8. | 9.999 | Varia                                                         |

La glista da tractandas vain approveda sainza objecziuns.

**Protocol:** Il protocol da la tschanteda dals 07 november 2018 vain approvu unanimamaing.

### **147 0.211 Dumanda da fabrica Contrat da dret da fabrica Campell/Meng**

Per pudair schoglier la societad simpla Campell/Meng e da spartir il dret da fabrica ho l'inspectorat dal cudesch fundiari chantunel ordino d'exeguir il proceder descrit. Ils associos vöglian impitschnir il dret da fabrica existent independet e permanent nr. D788. Zieva dess sül rest da la surfatscha dal dret da fabrica, gnir fat ün seguond dret da fabrica cun las listessas cundiziuns scu uriuntamaing stipulo i'l contrat da dret da fabrica dals 28.07.2004. Ils duos drets da fabrica chi sun/vegnan purtos aint a favur da la societad simpla Campell/Meng, dessan gnir spartieu sü. Il dret da fabrica reduzo vain transferieu sün sar Duri Campell ed il nouv dret da fabrica sün sar Schimun Meng. Medemamaing vain scholt la societad simpla Campell/Meng. La donatura dal dret da fabrica es perincletta cul agir e las mutaziuns dal geometer sun avaint maun. La suprastanza cumünela ho già aderieu ils 08 avuost 2018 a la spartiziun dal dret da fabrica dals duos partieus. Ils müdamaints vegnan trat a fuonz in püs contrats e annunzcho per l'inscripziun i'l cudesch fundiari. La suprastanza cumünela es our da seguaints motifs competent da decider in quista chosa: I nu vain müdo

ünguotta vi da la düreda neir vi dal cuntgnieu dal contrat. L'unic chi's müda es la parcella chi vain spartieu sü.

La suprastanza cumünela aderischa unanimamaing l'agir scu preparo dal cudesch fundiari da la regiun Malögia. Quist affer stu aunch'üna vouta gnir tratto in üna prosma tschanteda da la suprastanza cumünela per pudair fer bun il nouv contrat da sar Schimun Meng.

**148 7.100 Chanalisaziun/sarinera**  
**Taxas d'attach Susauna per la sarinera**

Tenor decret da la regenza dals 02 lügl 2013 es la vschinauncha da S-chanf oblieda da collier la fracziun Susauna cun l'ARA Furnatsch (nouv ARO) fin il pü tard da l'an 2017. Aint ils ultims ans es gnieu perseguito l'oblig da la regenza e s'ho realiso la nouva lingia da chanalisaziun da Chapella fin Susauna. L'an 2018 s'ho realiso l'etappa 3 da Susauna. In quist'etappa sun gnieu finalissedas las lavuors d'attach, e tuot las chasesdas sun attachedas vi da la nouva rait da chanalisaziun. Tenor legisalziun valabla sun ils proprietaris da chesas oblio da pajer la taxa d'attach per la sarinera. L'administraziun cumünela ho elavuro üna glista correspudenta cullas singulas taxas d'attach.

La suprastanza cumünela aderischa a la proposta e decida da perseguiter la taxaziun per l'attach a la sarinera illa fracziun Susauna.

**149 3.000 Cultura**  
**Dumandas da contribuziun**

Dumanda : La dmura Girella dumanda per ün sustegn finanziael per l'an 2019 traunter fr. 3'000.00 e fr. 5'000.00. Girella es il contact i'l Engiadin'Ota per personas cun problems psychics u cun problems sociels e per interger els darcho illa societad e la vita professiunela.

Decisiun : La suprastanza cumünela decida cun quatter cunter üna vusch da refüser la dumanda da contribuziun. La vschinauncha da S-chanf es eir in futur pronta da sustegner la dmura in fuorma d'üna piazza da lavur per personas cun impedimaints sia que corporel u psychicamaing.

**150 8.100 Forestel**  
**Surdeda da lavuors auto foresetel**

Ün dals auto forestels (Toyota Pickup) ho raggiunt sieu düreda da vita. Sün dumanda dal silvicultur sun entro duos offertas. Üna offerta es da la firma Pinggera SA da S-chanf per ün nouv Toyota Pickup. La segunda offerta es da la firma Montebello AG da Puntraschigna per ün Mercedes Pickup.

La suprastanza cumünela decida cun quatter cunter üna vusch da cumprar il Toyota Hilux offertieu da la firma Pinggera SA per fr. 50'216.75 incl. isp., arsalv cha la radunanza cumünela appruvescha il plan d'investiziun ils 28 november 2018.

**151 0.121 Cussagl cumünel**  
**Pusiziun studia da l'Axpo regard forza da dispersiun da terra**

L'Axpo ho elavuro üna studia per la calculaziun da la forza da dispersiun da terra per la rait futura da 16 kV incl. decleraziun da las bobinas da stüzer. Situaziun da partenza per il model da la rait es il stedi 2025 cun la lingia parallela da Martina fin a S-chanf. Lotiers es gnieu resguardo la calculaziun dal cabel parallel traunter Zernez e Susch, però illa

spartiziun dals cuosts lascho davent. Divers szenaris sun gnieu ponderos e differentes stedis da cumand muossan correspondentas dispersiuns da terra disfrenzchedas.

Las duos vschinaunchas Zerne e S-chanf sun perinclett, cha our da motivs da sgürezza technics (sgürezza da persunas e da roba) e eir tenor las prescripziuns dal ESTI da fer l'indriz per la cumpensaziun da forza da dispersiun da terra. Eir causa cha las OEE sun substanzielmaing participo, vaun las duos vschinaunchas our da que, ch'ella aquista eir ün'indriz addato e economic. La partecipaziun dess ir tenor la quantied da kilometers da la lingia, in quist connex es d'ir our dal stedi finel 2030/40. I nu dess esser, chi do differenzas d'opinuns tar üna realisaziun posteriura, chi staun gnir fattas eventuelas investiziuns impü. Las duos vschinaunchas salüdessan, scha tuot ils progets cuntschaints vegnan resguardos, scu eir il seguond cabel planiso in ün mumaint pü tard da Zerne/Cul fin Brail.

La suprastanza cumünela decida unanimamaing da fer bun la proposta da Sar Arthur Brüngier per pudair piglier pusiziun professiunelmaing in connex cun quista studia.

**152    8.160    Resgia**  
**Montascha maschina per laina arduonda**

Illa tschaneda da la suprastanza cumünela dals 10 october 2018 es gnida spusteda quista tractanda sün üna da las proschas tschantedas, causa chi mancaivan auncha sclarimaints necessaris per pudair decider sur da la surdeda da lavuors. I'l ultima tschanteda da la suprastanza dals 07 november 2018 es gnieu rendieu attent, cha'l depüto respunsabel porta quista tractanda aunch'üna vouta.

La fabrica per la halla per depositer laina es gnida cumanzada. In quist connex vegn eir fabrico il töch inua cha la maschina per la laina arduonda vegn plazzada. Per pudair fer la monascha per quista maschina es auncha da surder la lavur per la revisiun e la montascha da la maschina. I sun gnidas inoltredas duos offertas per fer quistas lavuors. Ün'offerta es da la firma Holmag AG per fr. 67'635.60. La firma Holmag AG es da la svizra e ho eir montörs chi sun dal mister. Invezza cha la firma Hak Srl da l'italia es üna firma chi fo be l'intermediaziun. l'offerta da la firma Hak Srl prevezza cuosts da fr. 34'679.00. Ils cuosts per pudair fer la de- e montascha e la revisiun da la maschina per taglier laina arduonda sun inclus i'l plan d'investiziuns 2018.

La suprastanza cumünela decida unanimamaing da surder la lavur a la firma Holmag per fr. 67'635.60 incl isp.

**153    9.999    Varia**

La suprastanza cumünela piglia cugnuschentscha :

Permiss d'ustaria :

- Duonna Tatiana Gabriel per gestiuner il kiosk pro'l liftin Bügls.
- Sar Nelson Jorge Gomes Ribeiro per gestiuner üna butia da mangiativas ed üna bar.

Zieva la radunanza cumünela dals 24 october 2018 ho l'indschegner respunsabel per il proget d'LWL fat üna stima actuela dals cuosts per ils attachs da chesa dals abunents dal s-chudamaint da distaunza da Salzgeber. La suprastanza cumünela piglia cugnuschentscha da la glista dals attachs da chesa culla stima actuela dals cuosts i'l otezza da fr. 15'024.13 excl. isp.

Comunicaziun da la regenza dal chantun Grischun regard l'appruzaziun da plan da svilup da god 2018+.

Inserat per commembers da la cumischiun administrativa per l'ouvra electrica da S-chanf. L'inserat vain publicho prosmamaing.

A las 20.45 vain la tschanteda alveda.

In buna fè

Il president:

L'actuar:

G. Largiadèr

G.L. Vitalini